



Concello de Lugo

22º CERTAME DE **PINTURA RÁPIDA AO AIRE LIBRE** "CIDADE DE LUGO"
2022

Área de Cultura, Turismo e Promoción da Lingua
Concello de Lugo

O Concello de Lugo convoca o 22º Certame de Pintura Rápida ao Aire Libre "Cidade de Lugo" de acordo coas seguintes bases:

1ª.- Poderán participar neste certame todas e todos os artistas maiores de 18 anos que o desexen. Cada autora e/ou autor só poderá presentar unha obra, e non poderá asinala ata o momento no que se coñeza o ditame do xurado.

2ª.- O estilo e a técnica serán libres, e a súa temática xirará sobre a cidade de Lugo en toda a súa extensión. A execución será directa, diante do motivo ou do modelo natural.

3ª.- As inscricións realizaranse no Departamento de Cultura, Turismo e Promoción da Lingua do Concello de Lugo o propio día do certame, no momento de selado dos soportes, e serán gratúitas. O certame terá lugar o domingo, día **10 de xullo**.

4ª.- Cada participante levará o material que poida necesitar e considere necesario para desenvolver o seu traballo, incluído (de ser posible) o seu cabalete onde se exporá a súa obra.

5ª.- O soporte presentarase o día do certame das 9.00 ás 11.00 h da mañá no Departamento de Cultura, Turismo e Promoción da Lingua do Concello de Lugo (praza Maior 1), para ser selado.

6ª.- O tempo para presentar as obras será entre as 16.00 e as 17.00 horas e realizarase no control establecido na praza Maior, onde se coñecerá o ditame do xurado ás 18.00 horas.

Farase exposición ao aire libre que se prolongará ata as 20.00 horas e nese momento os autores das obras non premiadas faranse cargo delas.

7ª.- Xurado: Estará integrado por 3 vogais con voz e voto, sendo presidido pola Ilma. Tenenta de Alcaldesa Delegada da Área de Cultura, Turismo e Promoción da Lingua ou persoa en quen delegue e asistida por persoal do Servizo de Cultura en funcións de secretaría, ambos sen voz nin voto.

Os ou as vogais serán designados pola Área de Cultura, Turismo e Promoción da Lingua e o xurado estará composto por persoas de recoñecido prestixio e vinculadas coa ilustración, o deseño gráfico e/ou sectores relevantes do eido da cultura, o turismo e da propia celebración do Certame de Pintura Rápida, sendo nomeados con carácter previo á celebración do concurso.



MURALLA
patrimonio da humanidade

8ª.- Criterios: O xurado pode declarar desertos os premios no caso de que, ao seu xuízo, non se acaden unha calidade mínima nas propostas presentadas. A decisión do xurado será inapelable e axustarase, entre outros, aos seguintes criterios:

- Deseño e composición estética.
- Orixinalidade.
- Creatividade
- Calidade.

9ª.- As obras premiadas pasarán a ser propiedade do Concello de Lugo, así como os dereitos de reprodución.

10ª.- O Concello poñerá o maior coidado na conservación das obras, pero non responderá da deterioración que poidan sufrir por causas alleas ou de forza maior.

11ª.- Os premios, que estarán suxeitos á retención fiscal establecida, serán:

1º.- 1.600 € e diploma

2º.- 1.100 € e diploma

3º.- 900 € e diploma

5 accésits de 300 € e diploma

Premio especial á ou ao artista local, nacida/o ou residente en Lugo (acreditado con copia do DNI), non compatible coa obtención dos outros premios.- 450 € e diploma

12ª.- Para calquera consulta sobre algún pormenor da actividade, por favor, póñanse en contacto co Departamento de Cultura, Turismo e Promoción da Lingua nos teléfonos 982 297212/16/17, 982 297127, 982 297334, 982 297106 ou no correo-e cultura@lugo.gal

13ª.- Publicidade: Estas bases publicaranse no Boletín Oficial da provincia de Lugo, na páxina web (<http://concellodelugo.gal>), e na Base de Datos Nacional de subvencións (BDNS) conforme ao disposto no artigo 18 da lei 38/2003, do 17 de novembro, xeral de subvencións.

14ª.- A participación neste certame implica a aceptación total destas bases.

EXEMPLAR PARA O CONCELLO

NOME _____

APELIDOS _____

ENDEREZO _____

POBOACIÓN _____ CP _____

NIF _____ TFNO. _____



Concello de Lugo

DATA DE NACEMENTO _____
CORREO-E _____



MURALLA
patrimonio da humanidade